

宋朝大詔令集

宋朝大詔令集卷第五十三

宰相三

進拜三

張士遜拜相制

明道元年  
二月庚戌

國家登用邦傑，緝熙政途，出則偃息而為藩，入則從容而論道，聿圖  
舊望，再陟進司，推誠保德，翊戴功臣，定國軍節度同州管内觀察處  
置等，便特進檢校太傅持節同州諸軍事同州刺史兼御史大夫知  
許州兼管内隄堰橋道勸農使管勾開治溝洫河道事上柱國清和  
郡開國公食邑五千五百戶食實封一千九百戶張士遜，直諒兼容，  
純和秉粹，文學資其器用，忠厚本於誠明，蚤自宰廷，出臨方面，尋分  
將鉞，作鎮陪京，荐彌歲時，豈有聲績，雖均勞逸之任，靡忘寤寐之懷，  
是用還秩秋卿，參調鼎鉉，特疏多之賦，仍加真食之封，誕舉徽章。

式諧金論於戲奉天惟聖用憲於聰明代工其人允歸於變理勉興  
盛治以昌宏圖可特授行刑部尚書同中書門下平章事集賢殿大  
學士加食邑一十戶食實封四百戶仍改賜推忠謀協佐理功臣

張士遜進昭文相制

天道三年四月己未

門下代天工者在乎庶官總邦治者繫乎冢宰苟非巖廊宿望棟幹  
奇才何以副區夏之具瞻荷朝廷之大任我有良弼僉曰其人方隆  
眷注之懷宜被甄升之命聿申誕告式協至公推忠協謀同德佐理  
功臣特進行中書侍郎兼兵部尚書同中書門下平章事集賢殿大  
學士上柱國清河郡開國公食邑八千二百戶食實封二千一百戶  
張士遜明允凝心粹和毓質懿行循於憲度嘉言本乎典常朱印效  
官有諒直之益青宮分職存輔導之規逮進位於樞庭復聯榮於相  
府罄弼諧之素志存將順之深忠既而偃息藩垣撫綏黎庶大布中

和之治每懷翼戴之誠因出建於節旄遂入居於台鉉益顯和羹之  
譽彌張補衮之能協贊萬機見百工之成績周旋一德俾庶政之克  
諧是用登左省之崇資兼文館之重任既加采邑仍錫真封用是褒  
嘉式符毗倚於戲萬方砥厲允賴於謨猷四氣均和方資於變理宜  
循古訓以佐眇躬俾協大中無忝休命可特授行門下侍郎兼兵部  
尚書同中書門下平章事昭文館大學士監修國史加食邑一千戶  
食實封四百戶功臣散官悉封如故

李迪拜集賢相制

同前

門下彛命變龍用熙於庶績周襄中甫以掾於萬邦惟公論之攸歸  
在良臣之是任分持政柄共代天工苟非出類之英曷稱登庸之選  
資政殿大學士金紫光祿大夫工部尚書判尚書都省上柱國隴西  
郡開國公食邑二千五百戶食實封七百萬戶李迪襟懷平粹宇量閑

深榮名夙冠於俊賢。追事素聞於敏幹。典機衡於相府。頗見深忠。備  
輔翼於儲宮。允為舊德。俄出臨於外郡。繼改領於雄藩。星躔屢遷。聲猷  
益著。德諧民庶。式昭撫育之功。道濟邦家。宜荷彌綸之寄。是用斷自  
朕志。擢於書林。爰資熙載之能。復正調元之位。不離起部。遂陟台階。  
加歟責之榮。資改仙殿之重。秩度中美。號併示恩。章於戲宰。弼之司  
治。亂是繫內。則變和庶事。俾協大中外。則鎮撫四方。用俾至化。豈非  
任重。允謂才難。副我倚毗。勉爾寅亮。可特授光祿大夫。依前行工部  
尚書同中書門下平章事。集賢殿大學士。加食邑一千戶。食實封四  
百戶。仍賜推忠協謀佐理功臣勳封如故。

呂夷簡拜昭文制

明道二年十月戊午

門下王者澄清化元。陶甄庶品。必求茂宰。以付大鈞。其有碩望鎮時。  
雄才傑世。處阿衡之重任。久籍告猷。殿陪京之巨拜。彌深注意。再陟

三階之上庶符四海之瞻允叶至公爰伸誕告推誠保德崇仁忠亮  
翊戴功臣武勝軍節度鄧州管内觀察處置等使開府儀同三司檢  
校太傅同中書門下平章事使持節鄧州諸軍事行鄧州刺史判陳  
州軍州事兼管内提堰橋道勸農使及管内開治溝洫河道事上柱  
國東平郡開國公食邑九千戶食實封三千七百戶呂夷簡道包經  
濟學富典彝秉惠和肅哲之資蘊輔相彌綸之業被遇先聖亟歷榮  
途弼贊冲人早登柄用自預聞於機政洎首冠於槐庭叙皋陶之九  
功總魏相之衆職宣明國體茂遂物宜荷寵祿而屢辭蹈謙光而不  
伐萬事皆理實賴胡公之賢四國于蕃暫勞申伯之政思儀刑而是  
渴在寤寐以寧忘是用特舉徽章入司魁軸天官正秩文館崇資史  
職勲名並還舊貫仍益爰田之賦載加真食之封蓋示優褒式彰異  
數於戲任能圖舊既獲於正人垂衣仰成佇臻於大治繫乃耆德豈

煩訓辭可特授門下侍郎兼吏部尚書同中書門下平章事昭文館  
大學士監修國史加食邑一千戶食實封四百戶仍改賜推忠協謀  
同德守正佐理功臣散官勲封如故主者施行

王曾拜相制

景祐二年  
二月辛未

樞謨靖密所以制乎邊兵鼎鼐燮和所以均乎國政維是文武之柄  
屬在股肱之良爰擇剛辰以敷大猷推忠協謀同德守正佐理翊戴  
功臣樞密使開府儀同三司行吏部尚書檢校太師同中書門下平  
章事上柱國太原郡開國公食邑九千八百戶食實封四千戶王曾性  
資端亮器識淵冲蔚為英材克對休運蹈夷險之口口厲夙宵之素  
勤泰階六符重昭於天象尚書百揆式總於民常進書殿之美名益  
爰田之多賦茲為異寵實副僉言於戲萬徵之繁非腹心而罔寄四  
鄰之近蓋體貌之所加維乃協恭副予圖舊可特授行尚書右僕射

兼門下侍郎同中書門下平章事集賢殿大學士加食邑一千戶食  
實封四百戶

王隨拜昭文相制

景祐四年  
四月甲子

朕惟萬微之務屬於三事之臣必疇咨于老成可變輔于元化誕揚  
丕制敷告明廷惟忠協謀佐理功臣金紫光祿大夫行尚書吏部侍  
郎知樞密院事上柱國琅邪郡開國公食邑三千四百戶食實封六  
百戶王隨素履含章純誠格物受知先帝早踐禁塗輔德濟人定勞  
儲卹旋參政論復總樞謀屢詢黃髮之言彌見素絲之節是用擢司  
邦柄進代天工兼榮史觀之華加食祿田之賦維時寵數益協師食  
於戲周以申伯揉萬邦漢以魏相修衆職著于載籍屬在良臣爾其  
燮調陰陽鎮撫夷夏作我良弼不其裨歟可特授門下侍郎同中書  
門下平章事昭文館大學士監修國史加食邑一千戶食實封四百



戶仍賜推忠協謀同德佐理功臣

陳堯佐拜集賢相制 同前

朕纂紹丕圖億寧中夏審度時宰付畀國鈞維是老成之才光茲救  
卜之吉誕揚明命敦告群倫推誠保德功臣金紫光祿大夫行尚書  
戶部侍郎知鄭州軍州事兼管內河堤勸農使上柱國潁川郡開國  
公食邑四千戶食實封一千六百戶陳堯佐望重朝端遠猷經世出  
入中外勤勞夙宵二府告猷居檢忱恂之德大邦賦政固多愷悌之  
風是用擢正階符參調鼎味兼榮書殿之職重錫雲臺之名米地真  
封併加異數於戲師戶之重式副民之具瞻朕之良允謂國之同  
體祇服厥命勿替口誡可特授依前行尚書戶部侍郎同中書門下  
平章事集賢殿大學士加食邑二千戶食實封四百戶仍賜推忠協  
謀佐理功臣

三寶元  
月元  
戊元  
戌年

[illegible]

一十戶食實封四百戶仍賜推忠協謀佐理功臣

章得象拜集賢相制

同前

朕躬履邦圖厲精治本參贊萬歲之務遊求四近之賢矧對掌於大  
鈞必允符於枚卜登我碩輔告于明廷正奉大夫尚書兵部侍郎同  
知樞密院事上柱國京兆郡開國公食邑二千五百戶食實封四百  
戶賜金紫魚袋章得象冲簡直溫懿厚和粹高文見於典冊茂行涵  
于瑋璋頃由禁林進莞樞極慎重之望可以表儀朝倫經綸之才可以  
緝熙皇化爰立作相永孚于休於戲斷自朕心固貪謀之罔間協于  
一德豈盛業之難圖若時老成奚俟深訓可特授金紫光祿大夫依  
前行尚書戶部侍郎同中書門下平章事集賢殿大學士加食邑一  
千戶食實封四百戶仍賜推忠協謀同德佐理功臣

呂夷簡再相制

康定元年  
五月壬戌

王者設丞疑之臣同朕肱之體出宣王化以偃介人之藩入總機猷  
以儀朝宰之位載待枚卜誕告明廷推誠保德崇仁協恭守正忠亮  
翊戴功臣鎮安軍節度陳州管内觀察處置等使開府儀同三司檢  
校太師同中書門下平章事使持節陳州諸軍事行陳州刺史判大  
雄軍府事上柱國開國公食邑一萬三千七百戶食實封五千七百  
戶呂夷簡體涵中和性尚敦壹器更大用勲著一時内外必平有魏  
絳之風烈夙夜匪懈維山甫之將明國之老成世所標準是宜解旌  
嘉之權于外專鼎鼐之職於中榮還右揆之崇峻兼左輔之重屬我  
藩德合于衆謀於戲代天之上注意於相耆祥屢見則消復之是圖  
疆場未寧則攻守之是計爾其災陰陽以導善氣申威懷以鎮四夷  
勉而忠勞紆我宵旰可特授行尚書右僕射兼門下侍郎同中書門  
下平章事昭文館大學士監修國史加食邑一千戶食實封四百戶

仍改賜推忠協謀同德守正亮節佐理翊戴功臣

呂夷簡守司空餘如制

康定二年十月壬午

天地之道運一氣而施生帝王之功須元宰而凝化故湯曰大聖惟  
厥阿衡周有治臣蓋先同德眷言九服之重日有萬幾之煩審擇雋  
髦俾熙政務應選時望疇咨老成特加八命之殊式叙三槐之位載  
洎到日敷告治廷推忠協謀同德守正亮節佐理翊戴功臣開府儀  
同三司行尚書右僕射兼門下侍郎同中書門下平章事昭文館大  
學士監修國史上柱國申國公食邑一萬四千七百戶食實封六千  
一百戶呂夷簡體涵中和性蹈忠篤被遇文考受知沖人保明哲之  
大方迪中庸之全美陟降綏於二紀勤勞盡於一心嚮以羌種弗懷  
邊烽尚警幸圖舊德以暢遠猷若時宏父之崇庸建上公之秩坐而  
論道既峻於等威官惟其人式昭於憑賴於戲憲宗委衆度之義並

復淮西昭肅信德裕之才迄平上黨緊君臣之交濟致聲烈而並光  
遜膳前人期底嘉靖可特授守司空餘如故仍令所司擇日備禮冊  
命

呂夷簡依前判樞密院事制

庚辰二年七月戊午八月  
丙午到改兼樞密院使

王者崇建上宰統理萬微以獎調於陰陽以鎮撫於夷狄近世兵事  
一委樞庭分設攸司不統公府屬邊烽之尚警思妙畧之協宣宜委  
老成使之兼領推忠協謀經邦同德守正亮節佐理翊戴功臣開府  
儀同三司行尚書左僕射兼門下侍郎同中書門下平章事昭文館  
大學士兼修國史上柱國許國公食邑一萬五千七百戶食實封六  
千五百戶呂夷簡中庸載德沉密體和夙以英才列於政路講求賢  
濟治之要知尊主取下之方自正元台寔登庶績口倚耆哲兼司武  
經以專二府之謀以靖三陸之警爰田加食併示徽章於戲愿攷前

王維御諸夏或簫勺以清群愚或干羽而來遠人匪用兵威務振王  
度維乃碩輔傳通撫聞當有遠圖以副朕意可特授依前尚書左僕  
射兼門下侍郎同中書門下平章事判樞密院事昭文館大學士監  
修國史許國公加食邑一千戶食實封四百戶

宋朝大詔令集卷第五十四

宰相四

進拜四

章得象兼樞密使制

慶曆二年七月戊午

朕祇紹丕圖勤求至治永惟皇王之道爰立輔相之官鎮撫四夷宰制群類而茲疆場之事乃專樞宥之司非通筦於冢卿曷統一於機務推忠協謀同德守正佐理功臣特進行尚書戶部侍郎同中書門下平章事充集賢殿大學士上柱國京兆郡開國公食邑五千五百戶食實封一十六百戶章得象懿文華國深識達神寬裕表於性情誠明彰於術業矧夫密勿之地本總綏於四夷弼諧之臣固倚平於萬事宜正使名之重以符邦體之隆實賦爰田併申褒異於戲政有未人允咨黃髮之謀知無不為更勵素絲之節徃服休命勿忘欽哉



可特授依前尚書戶部侍郎同中書門下平章事兼樞密使集賢殿大學士加食邑一千戶食實封四百戶

呂夷簡罷判密院除兼樞密使利

慶曆二年九月

門下朕以建置二府分掌萬機體貌所加等威宜峻其有台庭元老王國蓋臣適時總領之能遂頒崇拜之典累辭渙汗之渥益諒由衷之言冲遜彌高褒顯惟允具官呂夷簡器懷端實識慮淵深自參贊於朝權皆練達於世務夙契股肱之詠克副師尹之瞻今以疆場未寧七戎猶廣矧居首相之位克副基命之司膺此寵名示於優待安石廟堂之量鎮靖攸先山濤惟嶷之籌祇勤匪懈能崇廣遜之節更增簡注之懷曲徇乃誠特頒恩制列于樞府改賜使名內輯朝猷以愛龍之道外嚴邊環以良平之謀克念遠圖方俟成績於戡軍國之要展經濟者藉宏材富貴之崇畏盛滿者嚮多福著美當代弼予一

人可特授依前行尚書右僕射兼門下侍郎同中書門下平章事兼  
樞密使昭文館大學士監修國史許國公功臣散官勲食邑實封如  
故

呂夷簡守司空加恩軍國大事與中書門下密院同議制廢

三年三月  
戊子

朕覽前史之載見大臣之為進而盡忠靡不流利澤之益老而謝事  
亦足屬廉恥之風維時上宰之賢式符高誼之舉推忠協謀經邦同  
德守正亮節佐理翊戴功臣開府儀同三司行尚書右僕射兼門下  
侍郎同中書門下平章事兼樞密使昭文館大學士監修國史上柱  
國許國公食邑一萬七千六百戶食實封六千九百戶呂夷簡器識  
沈雅風猷雋明一登治朝三貫台席間屬疆場之用武兼總樞機而  
制謀勞於夙宵嬰此疹疾遣上醫而加視賜優告以就寧封章維來

誠請彌雖閔勞以官職之務且不敢忘故舊之臣俾命上公以憲百辟於戲委遠時柄既遂沖高之懷贊襄國猷尚圖忠益之補勉綏福履用副寵光可特授守司空監修國史兼譯經潤文使加食邑一千戶食實封四百戶仍改賜推誠保德翊戴亮節宣忠崇仁協恭守正功臣每有軍國大事與中書門下樞密院同議以聞

章得象進首相制

慶曆三年三月戊子

朕聽覽萬機維御群品詢謀輔弼和同天人矧登冠於百寮方審圖於一德爰詠到日以告治廷推忠協謀同德守正佐理功臣特進行尚書戶部侍郎同中書門下平章事兼樞密使集賢殿大學士上柱國京兆郡開國公食邑六千五百戶食實封二千戶章得象學洞精微性資沈密居然廊廟之器職在鈞衡之司勵精力以緝朝綱稽猷訓以經世務清濁不可以澄撓重輕不可以低昂向以敵人犯邊王

師在野爰敷樞筦以會兵機旋陳宏濟之詞居多暗合之論茲用權  
首台鉉進都冬卿文館之華爰田之賦併茲命數式是注懷於戲若  
涉川爾為舟楫之濟若作室爾為垣墉之茨勉恢盛猷勿替前烈可  
特授行工部尚書同中書門下平章事兼樞密使昭文館大學士加  
食邑一千戶食實封四百戶

晏殊拜集賢相制 同上

古之有天下者曷嘗不時之廢工審求良弼剴厲時柄協宣化風朕  
承三聖之休總萬機之要爰立作相必惟其人推忠佐理功臣樞密  
使開府儀同三司檢校太尉行刑部尚書同中書門下平章事上柱  
國臨淄郡開國公食邑九千五百戶食實封二千七百戶晏殊文經  
朝猷品適時用夙事聖考見知沖人向以儲禁之師臣委知樞密之  
武事忠勞形於夙夜謀畧制於邊陲宜正台鉉之同尚參兵帷之議

益升華於書殿更行食於真封雖倚大謀且旌舊德於殿百官各稱其位萬物各得其宜是謂天子之毗非曰宰相之任勉圖丕績式副群瞻可特授依前刑部尚書同中書門下平章事兼樞密使集賢殿大學士加食邑一千戶食實封四百戶仍賜推忠協謀佐理功臣

杜衍集賢相制

慶曆四年九月甲申

朕紹膺聖圖迄茲二紀惟賢是擇閱相攸難曷嘗不審其材猷察其誠望其責任也重其注意也深庶幾得人輔予不逮推忠協謀佐理功臣樞密使金紫光祿大夫檢校太傅行尚書吏部侍郎上柱國京兆郡開國侯食邑一千八百戶食實封四百戶杜衍道大而正德簡而廉感會亨辰便蕃膺仕昌言可以贊道清節可以服人久在內樞實濟丕務宜參謀於鼎路仍總畫於機庭夫外恢絃武之方內擅富民之術倚乃元老輯於頤庸既兼書殿之榮迨疏公爵之貴參之功

効增以戶封並為乎號之筆式副禮賢之舉於戲法天之表以正位  
於三階秉國之鈞以財宜於萬物往體厚遇益宣盛猷可特授依前  
行尚書吏部侍郎同中書門下平章事兼樞密使集賢殿大學士進  
封開國公食邑一千戶食實封四百戶仍賜推忠協謀佐理功臣

賈昌朝拜集賢相制

慶曆五年正月丙子

國家致理興化欲侔三代之隆選衆舉賢審求四輔之望適登庸於  
駁德宜誕告於治廷推忠協謀佐理功臣樞密使光祿大夫檢校太  
傅行尚書工部侍郎上柱國常山郡開國公食邑二千戶食實封二  
百戶賈昌朝學際幾微行歸純直露門勸講每陳道義之言紫掖下  
書多摹訓告之體乃尹神圻之劇乃專憲府之嚴曾未累年復更二  
府划定謀於枚卜特正命於中階進兼書殿之華尚莞樞庭之務用  
人之速近威罕階於戲仰法乾台以運四時之化坐司宰席以裁萬

物之宜無使邛魏姚宋專美於前世也可特授依前尚書工部侍郎同中書門下平章事兼樞密使集賢殿大學士

賈昌朝拜昭文相制

慶曆五年四月戊申

朕奉若天命撫寧中樞眷惟神務之難實重台衡之寄其有左右一德表儀群倫宜敷告於治廷庸冠升於宰路推忠協謀佐理功臣光祿大夫行尚書工部侍郎同中書門下平章事兼樞密使集賢殿大學士上柱國常山郡開國公食邑二千戶食實封二百戶賈昌朝方嚴迪志亮肅存誠學貫變通之源辭宰質文之粹早逢昌會寢陟要塗進不越於數年位已更於二府魏相之總衆職輯其大經巫咸之入王家孚以純德方仰成於鴻業俾進踐於台司肆臨褒拜之辰並舉便蕃之數於戲陰陽未豫實繫邦論之和股肱惟良乃起帝歌之載勉恢閔略終致丕平可特授依前行尚書工部侍郎同中書門下

平章事兼樞密使昭文館大學士監修國史兼譯經潤文使加食邑一千戶食實封四百戶

陳執中拜集賢相制同前

朕統御幅員靖經生齒眷言調燮之任責賴謨明之良爰擇雋髦用登衡弼推忠佐理功臣金紫光祿大夫行尚書工部侍郎參知政事上柱國潁川郡開國侯食邑一千八百戶食實封三百戶陳執中材資鯁亮德範純深推忠先帝之朝進服沖人之御清規表乎百辟厚望鎮于一時總臨邊壤之衝參貳政塗之訪有金石之為操無毫塵之近私宜升四輔之班次應具瞻之望况樞廷之懍威武書殿之萃藝文雖屬菁材蓋昭殊渥於戚如堂遠地亦既隆人主之尊若舟涉川豈不賴丞相之濟往服茲訓茂經迺成可特授依前行尚書工部侍郎同中書門下平章事兼樞密使集賢殿大學士進封開國公加



食邑一千戶食實封四百戶仍賜推忠協謀佐理功臣

陳執中進昭文相制

慶曆七年二月乙未

朕若古先王旁求碩輔以託四海之重以寄萬機之繁眷倚既殊授受匪易推忠協謀佐理功臣金紫光祿大夫行尚書工部侍郎同中書門下平章事集賢殿大學士上柱國潁川郡開國公食邑二千八百戶食實封六百戶陳執中器懷沉特材用敏長紹名臣之世家為先帝之策士一言詒萬世之福直道貫三代之行肆朕纂臨遂參顯用如國寶玉能庇患災若時元龜坐判凝結固朝廷之風采實方夏之表儀嚮者擢自近司進聯宰席萬事不理繫胡廣之能言四夷未寧藉陳平之多知宜冠階符之貴且仍卿貳之崇陪賦褒功並隆徽數於戲王業之重非賢士無以共承國論之難非獨見之所能盡朕用丞相不在茲乎可特授依前行尚書工部侍郎同中書門下平章

事昭文館大學士兼修國史兼譯經潤文使加食邑一千戶食寶封  
四百戶仍賜推忠協謀守正佐理功臣

文彥博拜集賢相制

慶曆八年閏  
正月戊申

膺重任者必勵許國之忠建奇功者必峻登賢之賞其有早毗大政  
夙負偉才自奮臨戎之行遂成邁寇之略宜揭顯命以告大廷推忠  
佐理功臣右諫議大夫參知政事上柱國都尉平陽郡開國侯食邑  
一千戶賜紫金魚袋文彥博器業異倫智謀適用有強明果斷之才  
而濟之以溫裕有周通敏治之識而輔之以端方自班政塗浸發賢  
蘊向以與政之地深念擇人之難采西南之治聲陪左右之敷論屬  
兇徒構孽孤壘偷生巢幕之勢雖危拒轍之狂尚肆始定恢於聖策  
往即殄於妖氛賞而緩功庸何以勸且升台席之責更陟中臺之榮  
養書殿之美背行棘田之真賦褒功馭貴併示優崇於戲舍爵策勲

已奉謀於太室代天理化終濟治於王家其懋乃猷用祇攸訓可特  
授金紫光祿大夫行尚書禮部侍郎同中書門下平章事集賢殿大  
學士上柱國開國公加食邑一千戶食實封四百戶仍賜推忠協謀  
佐理功臣

宋朝大詔令集卷第五十五

宰相五

進拜五

文彥博進昭文相制

皇祐元年八月壬戌

國家欽遇宰衡登進髦傑上則順導時令以代庖天工下則綏和政  
綱以經李王業時克用乂我得其人推忠協謀佐理功臣金紫光祿  
大夫行尚書禮部侍郎同中書門下平章事集賢殿大學士上柱國  
平陽郡開國公食邑二千戶食實封四百戶文彥博夙力幹彊器資  
茂達蹈危機而不顧臨大事而有謀比與翊於政塗旋對司於時柄  
百姓遂耕桑之樂二邊無兵革之虞惟時謨明賢朕倚屬若起居得  
股肱之助若視聽繫耳目之明若鹽梅施于太羹若霖雨沃于旱暵  
宜以天官之秩首為邦輔之資於戲君有求賢之心孰若得舉夔之

佐士有致主之畧亦欲臻克舜之風其勉交脩庶興盛治可特授尚書吏部侍郎同中書門下平章事昭文館大學士監修國史加食邑一千戶食實封四百戶

宋庠拜集賢相制

日上

國家崇建宰府並持鈞衡外以鎮撫四夷內以綏寧百姓必得賢傑以副眷毗推忠佐理功臣樞密使金紫光祿大夫檢校太傅行尚書工部侍郎上柱國廣平郡開國公食邑三千三百戶食實封一百戶宋庠緯有雅才對于嘉運嘗策異等受階顯塗文章盛于一時事業服于衆志樞謀之慎既折侮于戎心鼎鈺之和宜調元於政路爰進夏官之秩庶隆書殿之華功號邑封併推異數於戲丞弼之任忠賢是圖國體繫乎重輕改化從而淳厚勉思所職以稱朕懷可特授行尚書兵部侍郎同中書門下平章事集賢殿大學士加食邑一千戶

食實封四百戶仍賜推忠協謀同德佐理功臣

龐籍拜昭文相制

宣祐三年  
十月庚子

門下懸建宰職慎付國均仰代天工俯熙庶績惟同體之誼則處之  
股肱極濟時之勤則況之舟楫非得人傑孰副朕求推忠佐理功臣  
樞密使光祿大夫檢校太傅行尚書戶部侍郎上柱國始平郡開國  
公食邑四千三百戶食實封一千二百戶龐籍器識宏通材猷凝正早  
承亨會應踐某班入儀臺閣之華出宣屏翰之憲向屬美人竇疑邊  
侯晏寧胥協師僉預參戎柄遂對此於機政旋升峻於斗樞勵翼一  
心將明萬務宜正中階之象越升上衮之崇總領史闡增榮功號衍  
封真食併示優隆於戲履衡軸之機冠柱石之任循至公以授受懋  
同德以尚毗襄和四方表憲百辟思服休寵勵宣行勞可特授依前  
行尚書戶部侍郎同中書門下平章事昭文館大學士監修國史兼

詳經潤文使加食邑一十戶食實封四百戶仍賜推忠協謀佐理功臣

陳執中進昭文相制

皇祐五年閏七月

門下置相之重資變正於辰階修輔之先在緝熙於王道用人嘉於求舊注意厚於既安爰稽考慎之文茲得老成之望使纂舊服入冠冢司允穆僉言式孚大號推誠保德崇仁忠亮翊戴功臣集慶軍節度使亳州管内觀察處置河堤等使持節亳州諸軍事行亳州刺史判大名府兼北京留守司公事管内河堤勸農同群牧使充大名府路安撫使上柱國潁川郡開國公食邑六千五百戶食實封二千一百戶陳執中神機峻茂道致閎深蔚生梁棟之材紹迪前人之哲奮絲直道屬王臣之匪躬倡發忠謀出人倫之先覺名惟時重才則汝賢比總治於藩條旋參司於樞筦服勞匪懈宣哲居多閑亦分東夏

之符書委西州之節度出處一致望實兼優圖前後已試之功因內  
外具瞻之美廼擢參於宰路適升冠於台司協比庶工將明眾職調  
鼎羹而既久宰社肉以惟均底于治平繫乃寅亮嘗懇辭於機政比  
控欽於奏面自右輔之偃休實朝家之瞻賴荐委北門之重且過大  
河之防綏緝有勞眷毗增厚考嘉績而惟茂質救卜以僉同爰擇劉  
辰再付魁柄復家卿之舊秩衍井牧之真封舉洽至恩益昭異數於  
戲表率庶尹裁成萬樞東至公以宰朝抑惟其舊執成德而輔朕尚  
克有終益竭乃心同底于道可特授行吏部尚書中書門下平章事  
昭文館大學士監修國史兼譯經潤文使加食邑一千戶食實封四  
百戶仍賜推忠協謀同德守正佐理功臣

梁適拜集賢相制

同上

門下取法台文崇建宰職上以正三光之序下以暢萬物之宜宣哲



維人居承平注意之重用又厥辟濟垂拱仰成之安自匪傑才時允  
歲望參圖已試之効昭試爰立之文頒告廷外夫楊休命推忠佐理  
功臣正奉大夫行給事中參知政事上護軍安定郡開國侯食邑一  
千五百戶食實封二百戶賜紫金魚袋梁適風鑒明亮器米方嚴學  
淹貫於九流知該通於衆志臨機敏斷韞千鎔之雄鋒任重偉材挺  
梗楠之厚幹肖于世德翼我朝猷鼎升禁職之崇仍護強藩之要濟  
師以肅撫戎惟和還合虎符延登武帳訪猷為而允遠嘉策識之周  
通擢真猷廷實本兵柄適參宰路陪翼政經敦然國體之誠宣於兩  
府卓爾端朝之表聳厥庶工乃眷宸階久虛鉉席宜時衆績參徇師  
言進春官之貳卿正西垣之次相益加榮號仍馭責階陪輔朕躬用  
治予采於戲昔武丁以若金作鴈命於其臣傳說以如木從繩詔於  
厥后予違汝弼可不勉哉可特授金紫光祿大夫尚書禮部侍郎同

中書門下平章事集賢殿大學士加上柱國進開國公食邑一千戶  
食實封四百戶仍賜推忠協謀佐理功臣

劉沆同中書門下平章事集賢殿大學士加恩制

至和元年八月丙午

門下朕寅奉丕圖思臻至治總萬機而日謹舉盛典以交修期與輔  
臣底寧縣寓其有翼宣王度裁成物宜燮陰陽之和處丞弼之任式  
資茂宰秉于大鈞矧茲選才久著著効爰登中鉉敦告外廷推忠佐  
理功臣正奉大夫尚書工部侍郎參知政事上護軍彭城郡開國侯  
食邑一千七百戶食實封二百戶賜紫金魚袋劉沆雅性內融敏識  
先覺以沖約而率禮不夷險以易心文成國華學臻道真樂名教以  
為己任整知慮以翊帝模迺者擢自書林更於右史亞升西掖出守  
南方屢換主脩實宣精力屬中邦之擇戶正內閣以參華歲律未周  
風績彌著式圖寅亮用贊謨明伴任股肱之良參斷邦國之務具瞻

斯屬嘉猷誕彰進聯右輔之崇允協庶邦之望美崇書殿仍峻資階  
增勲級與褒功益爰田而真食於戲贊萬樞之重允賴於忠純底率  
土之和必資於英傑當申茂畧以恢遠圖可特授金紫光祿大夫依  
前尚書工部侍郎同中書門下平章事集賢殿大學士上柱國開國  
公加食邑一千戶食實封四百戶仍賜推忠協謀佐理功臣

文彥博拜昭文相制

至和二年  
六月戊戌

朕若稽古訓考慎柄臣萬機百揆之微九功三德之事熙朕之載時  
能奮庸若予黃髮之英嘗居家弼之任誠貫金石功書旂常邇來相  
子寔允公議推誠保德忠亮翊戴功臣忠武軍節度許州管内觀察  
處置等使檢校太尉使持節許州諸軍行許州刺史兼御史大夫永  
興軍路馬步軍都總管安撫使兼知永興軍府事管内勸農使上柱  
國平陽郡開國公食邑六千四百戶食實封二千戶文彥博大忠至

正明識敏材學究九流之微身無數器之用自參密於近侍即升贊  
於機廷出撫翰垣惟國方召入冠台路乃時變龍丹青帝謨金玉王  
度咸賞惟叙紀律蕩張間均逸於師垣居納忠於王室柱石之望雖  
外而益隆股肱之良匪賢而曷寄宜還齊鉞入正宸司仍更熟籍之  
筆兼益隸田之賦用昭體貌以佇賢庸於戲圖任舊人朕方循於典  
訓一二仲父爾當體於仰成往舒勸翼之誠以膺春任之重遂底嘉  
靖豈不美哉可特授行吏部尚書同中書門下平章事昭文館大學  
士兼譯經潤文使加食邑一千戶食實封四百戶仍改賜推忠協謀  
同德佐理功臣

富弼拜集賢相制 同上

朕麻選賢辟亮成天功必得非常之才以輔有為之主矧予思治之  
際敢忘注意之求上以揚祖宗之休下以酬士民之望若予髦彥宜

正鈞衡推誠保德功臣宣徽南院使金紫光祿大夫檢校太保判并  
州軍州事兼管内勸農使河東經畧安撫使并代澤潞麟府嵐石路  
馬步軍都總管上柱國河南郡開國侯食邑一千八百戶食實封四  
百戶富弼淵閑敏明忠亮方正學貫文武誠通天人早參清問之求  
絕出諸臣之右荐揚近序協贊治庭心勞王家已任大事間分符於  
外屏居閑問於中朝金石之誠不移於燥濕秋陽之惠實濟於疾癘  
宣力四方蹈道一節天下復聞於風采朝家實賴於謀明是用斷自  
朕心乃升宰席增陪食邑褒錫勲名用圖賢勞以贊大治於戲三階  
之任非肅乂無以奮庸萬事之微非幾深無以成務勉惟皇極之訓  
以佇王功之成遂登丕平無忝休命可特授戶部侍郎同中書門下  
平章事集賢殿大學士加上柱國進封開國公加食邑一千戶食實  
封四百戶仍賜推忠協謀佐理功臣

雷弼拜昭文相制嘉祐三年六月丙辰

門下中樞治本裁教化之宜上相台元長官師之任用綏熙於百度  
清幾正於三階乃眷右垣時惟哲匠委政事而已試考名實以相符  
誕揚大化付畀魁柄推誠協謀同德佐理功臣光祿大夫行尚書戶  
部侍郎同中書門下平章事集賢殿大學士上柱國河南郡開國公  
食邑三千八百戶食實封一千二百戶雷弼任重道遠性正德全聞  
敎推於上材博洽通於衆志撓之不濁偉量表於彌冲簡而易從盛  
業彰乎可大首膺魁壘之舉應踐禁嚴之塗憲謨發於爾躬啟沃盈  
於朕聽卿繇樞省出殿議方名聲聳於遠夷風采繫於諸夏遂膺枚  
卜實契具瞻朝有偉人物無異論特重守正參濟以和告猷納忠一  
本於治屬以家卿謝政首好仲能諷後入之大臣時若予采冠豎疑  
之上席今日汝賢是用升自政塗處以師尸仍進秩宗之重復兼史

觀之名行以優封昭最異數用旌茂績允移師言於戲播化鈞而理  
陰陽操國柄而撫辰象惟無心故能感物惟虛已所以受人格于太  
和繫我真宰往踐乃位永孚于休可特授行尚書禮部侍郎同中書  
門下平章事昭文館大學士監修國史兼撰經淵文使加食邑一千  
戶食實封四百戶

韓琦同中書門下平章事集賢殿大學士加恩制

同上

門下亮成天功實繫於宰職顯熙王道允寄於賢才矧久服於機廷  
且周知於治體俾正中階之東用膺以相之求既考師言復消劉日  
式揚乎旆誕告庶工具官某志虔純深才識高妙行足厚於風俗言  
必合於典常立於本朝毅然懷體國之色訪以大略立哉有匪躬之  
風曩者敵人擾邊勅兵宿野始伏指蹤之略邁升基命之階間從書  
殿之筆就寵師子之拜持中山之帥節臨大漠之盛秋非無邊虞深

得君重召言還國中命樞樞總是煩機謀茲舊物謀而辭過度不及  
私備竭猷為罄宣忠力文武參議固亮節之卓然台宰對司在至公  
之允若是用參之龜策付以機衡仍登書殿之名更拓土田之賦於  
載黃亮天地之化調序陰陽之和衡石無心以平而為體素寄有道  
以虛而為宗懋宣乃猷同底于治可特授依前刑部尚書同中書門  
下平章事集賢殿大學士加食邑一千戶食實封四百戶

宋朝大詔令集卷第五十五



宋朝大詔令集卷第五十六

宰相六

進拜六

富弼起復制不拜

嘉祐六年七月

門下禮有變而從宜君子謂之義經有反而合道聖人謂之權故知所重者不可顧其輕志於遠者不可懷其近若漢舊制方進弗敢有渝於唐盛時房喬起而視事歷鑒前載茲為至公具官富弼博大有容直方無撓勁勞一節感慨百為向緣親喪遽解國政三月而變亦既厯時萬機之繁豈可久曠矧今治平之勢實繫協輔之良雖前規後隨具有較畫而始謀終事當見成功惟俯就奪情之文庶益昭移孝之大於戲朝廷專於荆治以義斷恩閤門主於私情以恩掩義與其致毀有憂於終身孰若顯親揚名於後世勉思體國之道用副急

賢之心其聽朕言復于爾位可特授起復

韓琦進昭文相制

嘉祐六年閏八月庚子

禮戴六卿而莫先冢宰書稱四輔而莫重前疑蓋地隆者付畀其嚴職近者責任彌大苟非全德曷副具瞻推忠協謀同德守正佐理功臣開府儀同三司行工部尚書同中書門下平章事集賢殿大學士上柱國南陽郡開國公食邑六千七百戶食實封二千二百戶韓琦有質重之資而濟之以敏有方毅之氣而守之以和左右麻年夙夜一節至於弛國之禁而惟刑之邱均民之賦而惟力之紓茲太平之本原寔真宰之事業若時茂績宜服寵嘉是用進司寇之聯正中台之位載惟毗倚之重不亦授受之難於戲譬諸濟川汝惟舟楫如彼作室汝惟垣墉注其欽哉祇率朕命可特授行刑部尚書同中書門下平章事昭文館大學士監修國史兼諱經潤文使加食邑一千戶

食寶封四百戶

曾公亮拜集賢相制

朕惟宰相之任外鎮撫四夷內親睦百姓使二氣協和於上而群生  
茂遂於下授受之際豈輕也哉推忠佐理功臣樞密使金紫光祿大  
夫檢校太傅行尚書禮部侍郎兼群牧制置使上柱國廬陵郡開國  
公食邑三千一百戶食寶封六百戶曾公亮體被中和性資夷雅知  
略足以經遠德望足以鎮浮若時登庸基命宥審樞機之務日有萬  
微夙夜惟勤居然一意遠鄙不聲師徒以寧時乃之功朕用嘉止進  
秩天官之貳對司魁柄之隆成是民瞻相我天事於戲君以任臣為  
重任付畀之所專臣以得君為難惟極竭而後已往其欽服副朕命  
焉可特授行尚書吏部侍郎同中書門下平章事集賢殿大學士加  
食邑一千食寶封四百戶仍賜推忠協謀同德佐理功臣

富弼拜昭文相制

熙寧二年

未錄膺圖將繼配天之大業銓時論道必資名世之元臣以言乎體貌則舊德之英以言乎望實則群材之表爰立作相宜莫如公推誠保德崇仁亮忠佐運翊戴功臣觀文殿大學士開府儀同三司行尚書左僕射上柱國鄭國公食邑一萬戶食實封三千八百戶富弼學足以造聖人之微幾足以通天下之變錄賢科之得雋摠遠業以奉功在仁祖時則首冠廟堂有弼諧九德之美在英考時則再登樞府有折衝萬里之謀庶績已熙太平將洽屬留侯之多病容裴度之暫休愷悌所宜神明自復是用召從方守進拜元台仍左揆之舊班兼東臺之茂秩爰田行賦盟府易勲茲實異恩庸昭注意於戲上理乎天工則日月星辰以之順下遂乎物宜則山川草木以之蕃近則諸夏仰德以水流遠則四夷傾風而待命凡乎欲治維爾責成可特授

依前行尚書左僕射兼門下侍郎同中書門下平章事昭文館大學士監修國史兼譯經潤文使鄭國公加食邑一千戶食實封四百戶仍改賜推忠協謀同德守正亮節佐理功臣

曾公亮進昭文相制

熙寧二年十月丙申

王者攬髦傑以盡天下之謀總神幾以濟天下之務故后臣同力相得益彰陰陽並和以至大治適登碩輔庸告群倫推忠協謀同德守正亮節佐理翊戴功臣開府儀同三司行尚書左僕射兼門下侍郎同中書門下平章事集賢殿大學士上柱國魯國公食邑一萬一千一百戶食實封三千八百戶曾公亮德應中孚道經皇極躬清慎之一守愍險夷之百為匪威之乂商家雖戴六臣之列留侯之安漢祚未膺上宰之榮朕拂龜而見祥端表而定志稽用師言之錫進平台路之元若服肱之輔予躬若垣墉之保予室顧於倚用維以蒙成於

戲覽前載之文考名臣之事蓋創業之佐其迹易而守成之相其功雖宜勉輯於盛歎庶共恢於遠御可特依前行尚書左僕射兼門下侍郎同中書門下平章事昭文館大學士兼修國史兼譯經潤文使魯國公加食邑一千戶食實封四百戶

陳升之拜集賢相制

色齊三階則風雨不失其序聖如二帝然股肱亦繫其人朕上撫乾緯之明下慎國鈞之寄方審求於賢輔得參穆於政途若時登庸蓋出定命推忠協謀佐理功臣光祿大夫尚書左丞知樞密院事上柱國潁川郡開國公食邑二千八百戶食實封一千戶陳升之識幾聖聰謀合皇猷學積于原而心彌克智酬于變而力彌裕早膺仁祖之擢以遺文考之知肆予冲人克即大任問甲兵則有鎮撫四夷之略問衣食則有運理群物之心朕方稽百王之謨經一世之績宜進蹤於

賢序以延登於宰廷夫知屈選之既難體委用之既重則義莫得以  
憂已道維專於澤民豈特無彊之休亦有無窮之問於戲論金穀之  
計其歸內史之司作霖雨之滋是應高宗之命往熙帝載庸代天工  
可特授行禮部尚書同中書門下平章事集賢殿大學士加食邑一  
千戶食實封四百戶

韓絳昭文相制

熙寧三年十  
二月丁卯

三王臣主雖賢不能止詰誓之事二帝揆猷在內其維協天人之和  
蓋近迹狹而易循至化默而難運夫欲馳寥廓之見舍掣拘之文大  
起不世之君須謀非常之輔推忠佐理功臣正奉大夫尚書吏部侍  
郎參知政事同諱絳潤文使上柱國南陽郡開國公食邑三千三百  
戶食實封八百戶賜紫金魚袋韓絳蹈先聖之學躬上賢之姿思功  
名為已圖慕忠義之前躅而復正色自峙絳有大臣之風臨機不回

多適庶事之要文武兼備其器股肱實繫其人朕登延閣材既偕群  
策之慮度軼往制何愛隆名之私顧金節之未還將袞衣之已屬其  
位百寮之冠以司大政之元且唐相之願為良臣終授君以顯號秦  
穆之尚詢賢老猶躋口於多盤豈伊英猷不至上治於戲形範正金  
錫美則為國利器之疆陰陽和風雨時則為天泰階之應往宣一德  
庸底至平可特授金紫光祿大夫依前行尚書吏部侍郎同中書門  
下平章事昭文館大學士兼詳經潤文使加食邑一千戶食實封四百  
戶仍賜推忠協謀佐理功臣

王安石宰相制

周前

夫天地至神也非通氣運物則功不足見於時聖賢一道也非經世  
裕民則名不足見於後故士莫不待辰而欲奮志莫如得位而遂行  
矧夫居三公之官而有臨四海之勢豈不能究利澤躬義榮以事施



于一時而譽動于後世者哉朝散大夫右諫議大夫參知政事上護  
軍太原郡開國侯食邑一千一百戶賜紫金魚袋王安石良心不外  
德性攸尊至學窮於聖人肯名薄於天下不以榮辱是非易其介不  
以安危利害辭其難方予訪落之初勞乎用賢之務昭發猷念與裁  
政機案警所傷曾靡捐身之憚孤忠自許唯知報國之圖朕取其知  
道者深倚以為相者久茲合至命之首肆敬大命之休若作室用汝  
為垣牆若濟川用汝為舟楫予有違而汝弼汝有為而予從於是大  
亨並出絕會於戲自成湯至于帝乙靡不懷畏相之心若孟子學於  
仲尼其唯達事君之道尚新交勅卒俾蒙成可特授金紫光祿大夫  
行尚書禮部侍郎同中書門下平章事監修國史上柱國進封開國  
公食邑一千戶食實封四百戶仍賜推忠協謀佐理功臣

陳升之起復集賢相制

升之請終喪從之  
熙寧四年正月壬子

門下閔子經而服改先聖稱得事君之宜晉侯墨以臨我前志謂達  
變禮之用罔予吝弼奄遺閔籍久庶席以思賢宜教朝而渙號前推  
忠協謀佐理功臣光祿大行禮部尚書同中書門下平章事集賢  
殿大學士上柱國潁川郡開國公食邑四千八百戶食實封一千四  
百戶陳升之溫溫厚之量挺高明之才體備四氣之至和智通萬方  
之遠略發紆一德感會三朝經武斗樞之庭則王靈震疊膺九鼎鉉  
之府則邦治協寧端正百度之原章明九敘文極向鍾家祚遂解政  
機稽之師言厥有成憲桓焉奪服其惟詔使之從趙憲羅憂未始宰  
司之去蓋未復於台路以大熙於天工於哉斷恩從權自昔弗踰於  
國制移孝扶義維時尚又於王家勉一乃心無替朕命可特起復推  
忠協謀佐理功臣光祿大行禮部尚書同中書門下平章事集賢  
殿大學士上柱國潁川郡開國公食邑四千八百戶食實封一千四

百戶

韓絳拜相制

熙寧七年  
四月丙戌

王者臨四海之廣總萬機之繁仍欲措世於治安其在求賢而輔助  
我國元弼茲得蓋臣錫以茂恩告于列位推誠保德竭職功臣觀文  
殿大學士光祿大夫行尚書吏部侍郎知大名府兼北京留守司公  
事上柱國南陽郡開國公食邑四千八百戶食實封一千二百戶韓  
絳受材宏博涉道深醇知畧足以經遠猷忠嘉足以任大事而自與  
謀惟性正位鈞衡抗論在前義無曲學宣力于外勞不辭難質於金  
言厲乃舊德冠宰司之重實賴於謨明總史觀之華更資於良直賦  
之多邑衍之真封併示褒章允為異數於戲百姓尚困惟在厚厥生  
四夷未賓當使服吾化勉輔丕丕之業以成晏晏之風可特授依前  
行尚書吏部侍郎同中書門下平章事監修國史加食邑一千戶食

實封四百戶改賜推忠協謀佐理功臣

王安石拜昭文相制

熙寧八年二月癸酉

門下乾健坤順二氣合而萬物通君明臣良一德同而百度正眷予  
元老時延真儒若鴈與舟世莫先於汝作有衆及繡人久佇於公歸  
越升冢席之崇播告路朝之聽推誠保德崇仁珥戴功臣觀文殿大  
學士特進行吏部尚書知江寧府上柱國太原郡開國公食邑四千  
六百戶食實封一千二百戶王安石信厚而簡重敦大而高明潛於  
神心馳天人之極摯尊厥德性泝道義之深源延登傑才裨參魁柄  
傳經以謀王體考古而起治功訓齊多方新美萬事爾則許國予惟  
知人護波稽天孰斧斨之敢欽忠氣貫日雖金石而自開向厭機衡  
之煩出宣屏翰之寄迹周歲麻殊拂師瞻置還冠於宰司以大隆於  
邦采蕙華上館衍食本封載更功號之隆用後台符之峻於戲制天

下之勳爾惟樞扼通天下之志爾惟著龜繫國重軫於乃身毆民仁壽於當代往服朕命圖成厥終可特授依前行吏尚書同中書門下平章事昭文館大學士兼譯經潤文使加食邑一千戶食實封四百戶改賜推忠協謀同德佐理功臣

吳充拜相制

熙寧九年十月丙午

門下吏理陰陽蓋資輔弼之任運動樞極當籍經綸之材必惟其人可付以政推忠佐理功臣樞密使金紫光祿大夫行尚書工部侍郎兼郡牧制置使上柱國渤海郡開國公食邑二千戶食實封四百戶吳充秉心平直成性冲深沉機洞究於典常卓識該通於權變總司宥宥灼者猷為宜從樞筦之嚴摧處鈞衡之重仍陪封邑昭示寵私於戚君義臣行既著將明之效予違汝弼亦期猷替之忠務殫乃心協贊於治可特授依前行尚書工部侍郎同中書門下平章事監修

國史加食邑一千戶食實封四百戶仍賜推忠協謀佐理功臣

王珪拜集賢相制

同上

門下天尊地卑交泰而四時合序君倡臣和相須而庶績咸熙矧惟  
魁柄之司茲實官師之表將新寵命爰告路朝推忠佐理功臣金紫  
光祿大夫行尚書禮部侍郎參知政事同諱絳潤文使都大提舉三  
館祕閣抄寫校勘書籍上柱國太原郡開國公食邑三千五百戶食  
實封八百戶王珪以辭章甲賢科以行誼階仕籍學窮經史之奧識  
洞天人之交自參貳於台衡已著更於歲律茂宣忠力協贊治功宜  
陞調鼎之聯庶盡康鈞之效於戲善事者先利其器朕既庸於材能  
言古者必驗之今御當勉於事業輔成美化無忘訓辭可特授依前  
行尚書禮部侍郎同中書門下平章事集賢殿大學士加食邑一千  
戶食實封四百戶仍賜推忠協謀佐理功臣

宋朝大詔令集卷第五十六

宋朝大詔令集卷第五十六

宋朝大詔令集卷第五十七

宰相七

進拜七

王珪左相制

元豐五年四月癸酉

門下庶政願治不因時而損益則心雖勞而莫成膠柱調絃不解琴而更張則力愈多而益紊朕大修庶職丕正百工以道揆任廟堂之闕謀以法守聽官府之小治作起萬事紹隆三王疇庸命渥之頒爰有屬諧之長宜教庭號以聳民瞻銀青光祿大夫兼門下侍郎同中書門下平章事監修國史上柱國太原郡開國公食邑六千九百戶食實封二千二百戶王珪秉義竭忠率身勵下見聞燁治多識前載之傳論議雍容允達當今之務一德是履十年不渝比講藝官榮更丕典興滯補敝寔宜是正之勤據舊鑒新皆出將明之助爰正名於



左相俾分侍於東臺邑行真粗食陪多賦名雖考古事悉因今鼎錙不移益峻台衡之望衮衣載錫更增宰路之華於戲欲法之經遠持久者在濟之以有終欲吏之務方宿業者在董之以無倦爵名初易衆人尚狃於故常法席已完群下未知於循守往率在位共修厥官可特授依前官銀青光祿大夫守尚書左僕射兼門下侍郎加食邑七百戶食實封三百戶勳封如故主者施行

蔡確右相制

同上

門下朕量材授位常取商周之哲王稱事任人猶愧漢唐之盛際法壞既久官廢莫興後先奪倫小火失當循名核實方新萬化之原考古驗今大正百年之弊將仰成于宰弼爰妙簡於俊良乃先洪號之頒以疎治朝之聽太中大夫參知政事同詳經潤文使都大提舉三館祕閣抄寫校勘書籍上輕車都騎清河郡開國侯食邑一千戶食

實封四百戶蔡確靖姦無貳格和有容自其初時由朕所識泊歷近  
選靡勞弗宣嘗總中司肅紀綱之類廢入陪大政罄夙夜之贊襄朕  
方分職以馭群臣因能而裁庶位圖事慎始非專心致思不能起天  
下之功立政惟人非聚精會神不能成天下之務時若于永莫如汝  
賢宜陞揆席之崇兼列侍班之峻仍增勳秩陪衍戶封勞絕一時望  
隆百辟於戲惟厚德可以儀刑風俗惟小心可以勵相邦家變調陰  
陽四時乖錯則汝之責興正法度廢工賑曠則汝之羞往堅仍誠以  
永厥譽可特授依前太中大夫守尚書右僕射兼中書侍郎加上柱  
國食邑七百戶食實封三百戶主者施行

右相蔡確進左相制 元豐八年五月戊午

門下嗣先人宅丕后思康濟于艱難位冢宰正百工盍眷圖于耆舊  
時茲碩輔擢冠上台以翊亮乎天功以緝熙乎天度誕揚渙號敷告

治廷通議大夫尚書右僕射兼中書侍郎上柱國清源郡開國公食  
邑四千五百戶食實封一千九百戶蔡確敏識造微訂謨經遠任重  
不撓凜凜棟梁之材含章于中渾渾廊廟之器蚤周旋於要路多啓  
迪於嘉猷遂膺夢卜之求更處丞疑之重佑我烈考時維郊詣肆予  
冲人實在顧託定策社稷教寧邦家永言訪落之初是謂持盈之際  
矧衆言之師錫仰天意之賚予若舟楫之濟巨川若股肱之成一體  
茲惟哲艾屬在倚毗於戲后德惟臣不德惟臣予方祈於訓告予帥  
以正孰敢不正衆有賴於儀刑尚率勵乎前修共圖安於洪業克相  
朕志永孚于休可特授依前通議大夫守尚書左僕射兼門下侍郎  
加食邑七百度食實封三百戶餘如故主者施行

知樞密院韓絳拜右相制

同前

門下訪予落止以陟降厥家秉心宣猶以考慎其相眷言舊德久執

事振遺子冲人繫我昭考延登宰席播告治朝通議大夫知樞密院  
事上柱國廣陵郡開國公食邑三千三百戶食實封八百戶韓鎮天  
資劉明世載忠諒服勤小大之務居有中外之勢被遇先朝周旋近  
列遂參圖於宥密彌叶贊於謀謨蹇蹇王臣之風巖巖師尹之望遭  
家不造降割自天永惟况几之辰實奉綴衣之訓定策社稷書勲旂  
常鞏固太山之安扶維神器之重進疇異數擢秉大鈞以師長於百  
工以弼諧於一德顧茲毗倚屬在老成於戲維序不忘無彊惟恤若  
康王之率天下而高宗之求多聞匪予耆明孰克勵相宜旁招於俊  
乂共宏濟於艱難底于康公繼我緒業可特授依前通議大夫尚  
書右僕射兼中書侍郎加食邑七百度食實封三百戶

門下侍郎司馬光拜左相制

元祐元年閏  
二月庚寅

門下帥群臣宿道而嚮方在慎取相佐王者修政而美國莫若求人

顧惟眇躬獲嗣大統儲思業業不敢忘六服之休注意賢賢將以總萬方之治褒進上宰敷告外廷正議大夫守門下侍郎上柱國河內郡開國公食邑三千四百戶食實封一千二百戶司馬光受材高明履道醇固智足以任天下之重學足以知先王之言逮事厚陵徧儀侍從之列被遇文考擢總樞機之繁有大臣特立之風蹈君子難進之節方予訪落之始起應秉鈞之求調娛萬機必先教化之意辨察百職不失禮義之中是用諮諏僉言褒加異數越升左揆之路兼峻東臺之班中衍爰田陪敦真食於殿上寅亮於天心則陰陽風雨以之順下遂字乎物理則山川草木以之寧內阜安於兆民外鎮撫於四裔蓋輔相者為之基狀而老成者重於典刑勉行所聞以底極治可特授依前正議大夫守尚書左僕射兼門下侍郎加食邑七百萬戶食實封三百戶餘如故主者施行

門下侍郎呂公著拜右相制

元祐元年四月壬寅

國莫難於置相君莫重於知人堯舜之隆蓋以時咨而熙載商周之  
盛至以夢卜而求賢天降割于我家予未堪于多難思用耆德交秉  
政機其數寵章以詔群辟金紫光祿大夫門下侍郎上柱國東平郡  
開國公食邑五千四百戶食實封一千六百戶呂公著行應儀表學  
通本原忠義得於天資功名自其世美被遇先帝嘗入贊於樞廷暨  
予冲人遂同寅於政路傳緒意以謀國體推上澤以紓民心欽高雋  
賢補葺法度方重不倚雅有大臣之風調娛適中遂通當世之務是  
用升之右揆委以繁機申衍爰旧陪敦真賦爾則代天而理物予則  
羞者以惟君於戲丞相之位未嘗無其人儒者之效久不白於世孟  
軻言無有者數百歲揚雄稱自得者二三臣蓋迪遠業者其功難循  
近迹者其力易勉行所學以底丕平可特授依前金紫光祿大夫守

尚書右僕射兼中書侍郎加食邑七百戶食實封三百戶

守太師致仕文彥博拜太師平章軍國重事制

元祐元年四月壬寅

師傅道之教訓先王所以迪厥官老成重於典刑天下所以重其智  
廼賻舊德時謂元勳謀合祖宗之心名載鼎彝之器申頒贊冊播告  
外朝河東節度管內觀察處置等使守太師開府儀同三司太原尹  
致仕上柱國潞國公食邑二萬五千一百戶食實封一萬六千戶文  
彥博敦大而清明方嚴而信厚出則秉乎旄鉞入則持我鈞衡文武  
兼備其才險夷能致其力畢公之弼四世三紀于茲傳說之總百官  
萬邦其入爵隆無富溢之累名遂有身退之榮神明相其壽康人心  
想其風采是用還之論道倚以經邦以帝者之師臣謀議廟堂之上  
以天下之大老制馭中外之情庶幾有為底于極治陪敷多并申衍  
真封於戚呂望惟賢起佐文王之治周公已老留為孺子之師矧我

者英無愧前哲往宣一德用格多盤可特授太師平章軍國重事加  
食邑一千戶食實封四百戶仍令所司備禮冊命

右相呂公著拜守司空同平章軍國事制

元祐三年四月辛巳

門下仁莫大於求賢智莫良於選衆既得天下之大老彼將安歸以  
至國人皆曰賢夫然後用今朕一舉仁智在焉宜告治朝以孚大號  
金紫光祿大夫守尚書右僕射兼中書侍郎上柱國東平郡開國公  
食邑七千一百戶食實封二千三百戶呂公著討謨維遠精識造微  
非堯舜不談昔聞其語以社稷為悅今見其心三年有成百揆時欽  
維乃烈考相于昭陵蓋清淨以臨民亦勞謙而得士凡我儀刑之老  
多其賓客之餘在武丁時雖莫追於前烈作召公考固無異於象賢  
而乃屢貢封章力求退避朕重失此三益之友而閑勞以萬機之煩  
是用遷平土之司釋文昌之任毋廢議論時游廟堂於戲大事雖咨



於房喬非如晦莫能果斷重德無逾於郭令而裴度亦寄安危固俾  
斯人專美唐室可特授司空同平章軍國事加食邑七百戶食實封  
三百戶餘如故仍一月三赴經筵二日一朝因至都堂議軍國事仍  
令所司擇日備禮冊命

中書侍郎呂大防拜左相制

同前

門下朕聞天子有道其德不可得而名輔相有德其才不可得而見  
故漢之文景紀無可書之事唐之房杜傳無可載之勲當時安榮後  
世稱頌予欲清心而省事不求智名與勇功天維顯思將啟承平之  
運氏亦勞止願聞休息之期眷予元臣咸有一德咨爾百辟明聽朕  
言中大夫中書侍郎上柱國東平郡開國公食邑二千二百戶食實  
封三百戶賜紫金魚袋呂大防造道醇深受材宏毅果藝以達有孔  
門三子之風直大而方得坤爻六二之動久踐右閭蔚為名臣宜

升左輔之崇兼總東臺之務加賦進秩寵數益隆得位與時眷責彌重於戲若古有訓無兢惟人崔公建中之風以除吏八百而致裴垍元和之政以薦士三十而能維公乃心何遠之有可特授太中大夫守尚書左僕射兼門下侍郎加上柱國食邑七百戶食實封三百戶餘如故

同知樞密院范純仁拜右相制同前

門下朕惟朝廷之盛衰常以輔相為輕重若根本強固則精神折衝故為呂臣奉已而不在民則晉文無復憂色汲長孺直諫而守死節則淮南為之寢謀朕思得其人付之以政使天下聞風而心服則人主無為而日尊咨爾在廷咸聽朕命中大夫同知樞密院事上柱國高平郡開國侯食邑九百戶食實封二百戶賜紫金魚袋范純仁器遠任重才周識明進如孟子之敬王退若蕭生之憂國朕覽觀仁祖

之遺迹永懷慶歷之元臣強諫不忘嘉臧孫之有後成功是似命召  
虎以來宣雖兵柄之與聞疑遠猷之未究坐論西省進貳文昌增秩  
益封蕙隆異數於殿時難得而易失民難安而易危予欲守在四夷  
以汝為偃兵之姚宋予欲安於百姓以汝為息民之蕭曹勉思古人  
以稱朕意可特授太中大夫守尚書右僕射兼中書侍郎進封高平  
郡開國公加食邑七百戶食實封三百戶勲如故

門下侍郎劉摯拜右相制

元祐六年  
二月辛卯

王者以得人輔政為功宰相以代天理物為任故三階色齊則風雨  
莫不次序百姓內附則陰陽以之協和朕難其才久虛右揆登進賢  
輔乎告外廷中大夫守門下侍郎劉摯受材清明涉道醇粹智足以  
經天下之務學足以究先王之言勤勞百為論議一致被遇先帝徧  
儀臺閣之華陪輔朕躬參預鈞衡之任而能彌縫以藏其用調燮不

夫其中故取訪於師言俾秉持於大政坐論西省進貳文昌增衍爰  
田陪敦真賦於威朕稽前載之迹考名臣之心房杜以能斷善謀治  
效幾乎三代姚宋以應變守正功業盛於一時勉舒爾猷允蹈前美  
可特授太中大夫守尚書右僕射兼中書侍郎

右丞蘇頌拜右僕射制

元祐七年  
六月辛酉

朕荷天地之貺維祖宗之成上承文母之慈萬機俾乂下賴輔臣之  
正一德交修眷俊老之精忠合外廷之公議延登相位敷告治朝右  
光祿大夫守尚書左丞上護軍武功郡開國侯食邑一千九百戶食  
實封二百戶蘇頌粹資中和休譽英特學富經邦之道文高華國之  
章決萬事之風材宿四朝之偉望逮予初故歸爾近班進服天官抑  
人材之阿黨優游翰苑還帝制之垣明暨擢寔於近司頗接聞於密  
論雍容雅正多援古以開陳練達精明亦宜今而裁制維是深識居

然遂猷是用殲陞右弼之崇無總西臺之重秋階增峻勲爵並隆申  
衍爰田陪敦真食茲見充文之慶尤為稽古之榮於戲惟聖賢相遇  
之難以君臣得時為盛矧惟成德協我至公如房喬之善建嘉謀速  
啟唐風之競如魏相之好觀古事終扶漢道之尊勳跋前修用乎美  
業可特授右光祿大夫守尚書右僕射兼中書侍郎加上柱國加食  
邑七百戶實封三百戶勲封如故主者施行

宋朝大詔令集卷第五十八

宰相八

進拜八

范純仁拜右丞相制

元祐八年七月丙子

朕嗣宅丕后若昔大猷勞於求賢職在論相眷言舊德遜位宰司乃  
頒命書播告在位觀文殿大學士太中大夫上柱國高平郡開國公  
食邑三千戶食實封一千一百戶范純仁秉心直諒履道坦夷寬闊  
出於天資忠義本於家學始終一節出入四朝向解鉤衡久臨藩屏  
介圭修覲喜見儀刑公衮言歸益隆體貌是用延登右弼仰應中台  
寵進文階增陪井賦於戲高宗恭默思道得傳說以代言康王垂拱  
仰成有畢公之正色惟賢能俊傑盡其用則陰陽寒暑得其和外銀  
四夷內附百姓非至公不能成廢務非一德無以底丕平其殫乃心

無替朕命可特授通議大夫守尚書右僕射兼中書侍郎加食邑七百戶食實封三百戶勲封如故

章惇左正議大夫左僕射兼門下侍郎制紹聖元年二月  
門下為政之道無競惟人思得骨鯁挺特之純臣適修彌綸康濟之  
緒業圖我舊德冠于宗功乎號大廷播告多士資政殿學士降授通  
議大夫提舉杭州洞霄宮上柱國豫章郡開國公食邑三千七百戶  
食實封一千八百戶章惇器博以大志剛而明才之所施則酬酢萬  
變而無窮學之所造則貫通百家而不惑蚤席華問寔登近班自結  
聖神之知荐登丞弼之地佑我昭考格于丕平肆予續服之初身任  
受遺之託定策社稷底寧邦家方政令出於德性權柄歸於廊廟善  
政良法多所紛更正色危言不憚彊禦十年去國一德保躬雖風波  
並起乎畏途而金石不渝於素履朕親覽機務緝熙事功卓創業垂

統之艱難念繼體守文之休惕典刑具在績効可稽究觀民情以知利害之實斟酌時變以適增損之宜克昭前人之先實繁良弼之助刻封疆無以懲外侮田里無以安常生四方之休戚望於上聞羣臣之忠邪愆於公議眷求真宰秉我國成是用起爾燕間之中位諸公輔之上超進祿秩寵陪戶封南山巖巖久隆師戶之望亦爲几几行俟衆衣之歸於戲賢能相推而庶官和號念必臧而下民若如治梓材汝惟丹腹若作和羹汝惟鹽梅朕方注意以佇壯猷爾其奮庸以叶朕志修明百度率勵庶工期共恢於遠圖尚無替於先烈亟共爾位終底厥成可特授左正議大夫守尚書左僕射兼門下侍郎加食邑七百戶食實封三百戶勳封如故主者施行

韓忠彥除右僕射制

元符三年四月庚寅

門下朕紹膺天位蒙賴母儀召自戚藩延入翼室遂嗣服於火麻首



圖任於舊人咨爾在廷明聽予告具官某植性純懿秉德裕和粹矣  
老成之姿渾然大中之度素出相門之胄蔚為勲閥之光朕永惟仁  
祖之朝實繁先正之助建定大策書功宗彝惟爾克承厥家世濟其  
美召由北道入總東臺謀謨茲嘉操守彌固屬丕基之肇受眷右相  
之久虛敷時繹思訪予落止將繼猶於泮渙以大濟於艱難其登右  
揆之崇遂兼西省之峻惟帝眷予良弼惟天祚我有邦陞其文階衍  
以封邑於戲四裔以衰弱僅存之勢猶懷桀驁之謀黎庶當安乎無  
事之時尚有流亡之患罔虛內以事外無傷財而害民予欲綏定四  
方汝為予欲教率百姓汝翼予欲作功成之樂汝聽予欲制治定之  
禮汝明汝言予從予違汝弼王政有闕以汝為補衮之拱侯民澤未  
加用汝為作霖之傳說尚奮熙於帝載共寅亮於天工永孚于休同  
底于道可

韓忠彥除左光祿大夫左僕射進封儀國公制

元符三年十月丁酉

門下朕仰惟前代訓迪厥猷敦求哲人考慎其相疇若予采是資世德之良屢省乃成俾陟冢司之任咨爾有衆明聽朕言其官某敏識造微令猷經遠智足以任四海之重才足以應萬事之機屬予訪落之初擢總代工之右百辟承式萬邦作孚旌其世庸進是使序正名左揆分侍東臺增衍爰田陪敦真食於戲在昔大有爲之主必有不二心之臣用保斯民以登乃辟予帥正則孰敢不正民罔中而惟爾之中其允迪於前人以有聞於永世可

曾布除右銀青光祿大夫右僕射制

元符三年十月壬寅

門下左右制相以總吾喉舌之司東西分臺以幹我鈞衡之任居中如鼎足之時承上若台符之聯相須而成缺一不可迺登次輔以告大廷具官某敏識造微懿文貫道器周小大之用智適古今之宜被

神考特達之知並躋禁從膺光朝倚注之重久執事樞而能悉心公  
家宣力夙夜忠以建上誼不辭難憂勤百為壯老一節肆朕慕臨之  
始大嘉冀戴之勞參稽師言圖任舊德文昌端揆之列紫微陪侍之  
班合茲寵名作我近弼仍遷階秩增衍戶封於朕朕有休息百姓之  
心汝則覲文而造武朕有綜覈庶工之志汝則務實而去華以至甄  
序材良敦獎正直澄清風俗振肅紀綱使萬物各得其平無一夫或  
失其所汝之職也尚往欽哉可

燕京除右僕射

崇寧元年七月五日戊子

門下文昌萬物之源源清而流深僕射百僚之表表正而景端若昔  
保邦敷求俊德肆予共政厥有舊人咸造于廷明聽朕訓中大大尚  
書左丞蔡京才高而識遠氣粹而行方蚤逢聖旦之有為徧歷儒林  
之妙選徊翔滋久趣操益醇出獻侯藩入居翰苑適草元符之末

命預聞翼室之多艱去就甚明忠嘉具在人之艱矣動以浮言天實  
臨之賡予良弼是用延登右揆總領西臺超進文階增陪井賦慨念  
熙寧之盛際開闢端揆之宏基紀役休農尊經境士明親疎之制定  
郊廟之儀修義利之和聯比閭之政國馬蕃乎汧渭洛舟尾乎江淮  
周卿率屬以年民禹迹播河而入海經綸有序威德無遠而曲士陋  
儒罔知本末強宗巨黨相與變更凡情徂於尋常美意從而盡壞賴  
遺俗故家之未遠有孝思公議之尚存慎圖厥終正在今日於戲武  
王繼志昭哉文考之功曹參守規講若蕭何之迹其輔台德永孚于  
休可特授通議大夫守尚書右僕射

恭京除右光祿大夫尚書左僕射

崇寧二年正月丁亥

門下綏四方復大業屬在於眇躬佑乃辟康兆民允資於元輔進陟  
時傑東揀國鈞粵惟先正之臣克任天下之重爰旌丕烈誕告朝倫

通議大夫守尚書右僕射蔡京器博而用周名高而實茂學際天人  
而不惑材兼文武而具宜被遇祿陵早預叔神之制作發文紹聖久  
勤禁密之諭思逮予訪落之初首建紹休之訓孤忠自許惟堅體國  
之誠終德不回曾靡合時之術自延坐于政府暨擢真於宰司謀猷  
益嘉夙夜匪懈攷古而修紀律設屬而講事功庶官惟和百度以正  
通遠戒之弗率繁多箚之是圖師不逾時慮無遺策四裔偃兵革之  
氣百姓厚衣食之源疇若顯庸升華左揆分侍東臺之峻躡躋文階  
之崇增行爰田陪敦真食萃茲寵渥併示眷懷於戲位冠羣臣孰越  
蕭何之畫爵隆五等蓋先裴度之功惟乃殊勲無愧前哲永協于治  
往乎于休可

趙挺之拜右相制

崇寧四年三月

門下朕若昔大猷考慎其相眷求一德協贊萬幾顧難其人久虛右

揆肆登賢輔誕告大廷具官趙挺之受資清和涉道醇粹智足以周  
天下之務學足以究先王之微方時紛更獨陳謨論逮予總攬首建  
忠言秉心不回持議甚確自參裨於邦政彌弼成於治功同寅協恭  
奉公履正是用進貳中臺之柄坐論西省之謨超陟大階增陪并賦  
以昭注倚以厚寵光於戲惟聖賢相遇之隆以君臣成德為盛兩魏  
推同心而輔於政聲顯漢廷房杜持衆美而効之君望高唐室益祇  
逮業克紹前休可特授右銀青光祿大夫守尚書右僕射兼中書侍郎  
加食邑七百戶食實封三百戶

蔡京司空左僕射兼門下侍郎制

大觀元年正月

天子之置三公與之論道丞相之總百揆維以佐王朕親事法宮宅  
師區夏朝發食而思務夜依衣而慮微顧非真儒孰翼丕治延春求  
於舊弼俾還秉於洪鈞播告大廷誕敷羣聽具官蔡京識推先覺德

懋碩膚智造物之未形學窮神而獨至擢自文考爰遇秦陵更險夷  
之百為持中正之一節逮予躬攬冠位率司聲謀猷之贊襄緝經紀  
之蠹壞佐周王之辟國無如召公佑商后之格天有若伊尹力復先  
烈輔成遠圖庶績已熙太平將洽屬緣災而引咎既避位以踰年願  
茲哀繡之聯殊失股肱之助矧今符瑞荐至講禮樂以文頌聲賢能  
並興恢庠序而善風俗有懷制作多所建明是用載登左帙之崇兼  
峻東臺之秩階敷爰賦彌聳具瞻斯為異恩庸示注意於戲舉皋陶  
而不仁者遠朕則克難於任人賢周公而大治至今爾其永休于前  
政往服定命勉成厥功可特授依前司空尚書左僕射兼門下侍郎  
魏國公加食邑七百戶食實封三百戶勲封如故

何執中特進左僕射兼門下侍郎加恩制

大觀三年六月

門下惟前代之廸官孰先於輔相圖舊人而共政尤屬於老成眷言

心腹之臣久或機衡之任肆加考慎宜在褒延其誕布於綸恩以式  
孚於朝聽具官何執中高明而守正純厚而履常才兼文武之優學  
貫天人之願自出陪於昌運首被過於先朝為時名儒事朕潛底方  
績承之始已召宴於從班建躬攬之初遂擢參於近弼謀有嘉而必告  
事靡勤而弗宣備嘗夷險之更克懋始終之固朕念持盈者保太平  
之盛欽命者謹時幾之微矧祇紹於成謨敢怠遑於庶治疇若予采  
以共濟於康功惟選爾勞蓋莫踰於壽俊其登庸於左揆兼總務於  
東臺進序勲階行封采食併修寵章之峻用昭眷意之隆於戲罔不  
同心傳說所以迪高后咸有一德伊伊所以格皇天尚繼美於前人  
以孚休于永世可特授特進尚書左僕射兼門下侍郎加上柱國食  
邑七百戶食實封三百戶勲封如故

鄭居中少保太宰兼門下侍郎制

政和六年五月



門下格于皇天實繫贊元之任渙其大號罔非同德之求若時樞筦  
之臣久鬱鈞衡之望用熙帝載俾正台司式涓剏日之良誕告治朝  
之聽特進知樞密院事萊陽郡開國公食邑四千七百戶食實封四  
百戶鄭居中高明而篤厚直諒而純和識探道與之微謀合皇猷之  
蘊馳顏閔之極摯垂檀儒宗非堯舜則不陳是為國器粵繇簡識游  
被褒揚徧躋禁路之華再陟本兵之峻直道之行弗撓辰猷之告允  
戒進則盡忠義不阿世退而載采言可底行眷名實之並孚凡險夷  
而一節肆念續承之重莫先圖任之艱有能奮庸既灼知于弼宜爰  
立作相其遂顯於謨明載崇為國之九經以又建邦之六典陰陽和  
而萬物得熒茲一氣之元上下交而其志同惠在四隣之睦允迪朕  
志畢協師虞就升亞保之崇資克佇貳公之美化時封井戶加食租  
田併隆體貌之恩增重股肱之寄於戲帝賚予弼茲用亶於延登民

具爾瞻益毋忘於夙夜若古有訓無競維人惟說命之暨乃僚如尹  
躬之佑厥后從欲以治罔不同心尚克邁于遠圖以對揚于休命可  
特授少保太宰兼門下侍郎加食邑七百戶食實封三百戶餘如故  
仍令所司擇日備禮冊命主者施行

劉正夫特進少宰兼中書侍郎加恩制

政和六年五月

門下灼于四方蓋本明良之會式是百辟莫先承弼之圖乃眷宗臣  
蚤陪幾務其協民瞻之素俾居宰揆之崇消選剋辰宜孚列辟銀青  
光祿大夫中書侍郎彭城郡開國公食邑四千七百戶食實封一千  
三百戶劉正夫直清而惇裕闊博而醇深行高儒席之珍識探聖文  
之奧迪九德之美蔚然著蔡之資挺三俊之休元矣嚴廊之望歷更  
中外綽著猷為頃入輔於文昌旋進參於政本夙勵致君之節動昭  
享上之誠入告辰猷其克從先王之烈肆時嘉績惟簡在上帝之心

言輒契于朕謀人莫渝於汝守若昔交修之助維時共政之求將用  
繹於天上知人則哲宜使熙於帝載秉國之鈞位班衮職之隆名亞  
鼎司之重克灼知厥若久堅勵翼之懷率惟茲有陳用底絃綸之蘊  
誕揚休命式副僉俞載超賜位之聯增賁奮庸之任剖封爰賦衍食  
加田疏恩涯之便蕃示延登之簡注於戲爰立作相永言考慎之艱  
罔不同心益邁謨明之協仰惟前代圖任舊人由成湯至於文王若  
伊尹至於閔大時乃格天之業具存絳體之勲尚懋遠圖以期予治  
可特授特進少宰兼中書侍郎加食邑七百戶食實封三百戶勲封  
如故

鄭居中起復制

政和七年十一月

門下人主之職在乎論相允資朝夕之親太宰之任專以佐王實繁  
幾微之重眷予台揆茲邁閔籍時惟虛席之思禮有奪情之制重予

命冊播告治廷具官某簡重而裕和高明而博達學貫六經之奧器  
涵九德之純勁節精忠屹莫渝於金石遠猷先識敏若兆於蒼龜風  
宣樞莞之勞遂正鈞衡之拜謀入告於爾后德乃降於國人厥棐有  
恭股肱喜而元首起惟動丕應陰陽和而風雨時願為稷契皋陶之  
良臣必適堯舜文王之正道方賴濟川之助忽躋陟岵之憂朕惟天  
下之安注意于相門外之治以義斷恩載稽魯人有為之言深嘉閔  
子服事之孝晉侯始墨豈限三年之常房每起官蓋難一日之去乃  
趣成於寔窆俾歸補於巖廊式符中外之瞻率用祖宗之典誕惟休  
命爰示至懷於戲揚名顯親報乃仲於父母適權合道分當篤於君  
臣克全愛日之誠懋建格天之業上以調元化而遂萬物下以莅中  
國而撫四夷惟爾丕命具承則予從欲以治可

余深特進少宰兼中書侍郎制

政和七年十一月

門下承天子以贊助萬機時乃代工之任熙帝載而使宅百揆莫先  
同德之求眷我宗臣久于政路爰繹師虞之素俾升宰席之崇消擇  
剛辰誕揚顯冊具官某直方而敦裕肅乂而純明學參聖域之優識  
達道原之大威儀是力凜然廊廟之材文武兼資允矣邦家之望夙  
延登於近輔實具紹於先猷明哲自將忠忱一致載執黃扉之柄益  
隆巖石之瞻臯陶之陳帝謨既懋弼諧之義山甫之將王命有嘉出  
納之勤具昭成憲之休未究大儒之蘊朕仰惟前代守文為難相我  
愛民非賢固又若四方之是訓則九叙之可歌視君如腹心矧務同  
於一體用汝作舟楫庶克建於多盤其進秉於國鈞仍兼釐於政本  
特超賜位併衍真祖率彰倚注之殊式示寵光之渥於戲時則有若  
伊尹推斯道而覺民王曰惟爾君陳以嘉猷而告后允蹈昔人之美  
迄臻庶事之康三階平則風雨得其時衆賢和而天地為之應豈惟

乃辟是佑則於永世有辭

余深太宰兼門下侍郎制  
宣和二年正月

門下太微者天子之庭上相冠東藩之位北斗者人君之象輔星近  
開陽之光仰觀乾緯之明俯眷絃邦之重叙登元宰亮翼衆功誕賜  
綸綍之言孚告紳綏之聽具官某端方而肅括敦裕而清通學足以  
探天人之原智足以周事物之會古訓是式卓然經世之姿直道而  
行凜若立朝之氣備儀三省殆閱十年頃進秉於國鈞實參熙於帝  
載惟動不應侯志御事厥恭有恭辨察羣材極明王立政之助調娛  
庶務協太平守成之規養年于茲萬方俾人上之則陰陽寒暑得其  
序下之則綱紀法度適于中德音不瑕已諗姬公之美衆職有聞孰  
先山甫之圖是用簡於巖瞻授以魁柄兼峻東臺之侍乃陪多戶之  
封受任既隆仰成彌重於戲予欲遠追二帝三王之治爾盡自擬百

揆四嶽之賢置相之良載籍可數若漢以蕭曹為冠丙魏乃相繼有聲如唐之房杜居前姚宋亦並稱於後顧曾何比予於是矧時則勿有間之勉恢大猷追紹隆古可

王黼少宰加恩制 宣和元年正月

北辰居所而衆星拱道蓋尚於無為明主好要而百事詳術莫先於論相天實生於碩輔世方賴於真儒用的師虞延登揆席肆即治廷之大亶乎詔號之嚴具官王黼直諒而粹夷閎深而博遠學通千載而會歸於道德之典識造萬微而動合於理義之方謹論明謨允矣佐王之畧高文大冊傑然冠古之才國之光輝予有疏附頃自左綱之峻亟陞右省之崇勅天之命惟時幾益整同寅之助役志于享無與侮聿多載采之勲豈惟衆賢和而物和茲乃百姓足而君足三台之階兩兩時為齊色之占南山之石巖巖爰屬秉鈞之望惟帝登弼

若時登庸其遂相予無以易汝俾陟宰司重重兼釐政本之繁懋官  
超異典之常賜位躋文階之冠申加多邑并衍真租於歲尹躬暨湯  
而克享天心高宗得說而咸仰朕德相與之妙於今可師矧書垂告  
戒之言有嘉謀則順于外而史述彌縫之用持衆美以效之君故四  
方其訓以無競惟人必三后協心而同底于道往資予翼式副民瞻  
可特授特進少宰兼中書侍郎充神霄玉清萬壽宮使加食邑七百  
戶食實封三百戶勲封如故

起復通奉大夫尚書左丞李邦彥除銀青光祿大夫少宰

兼中書侍郎神霄宮使加恩制

宣和六年九月十四日

門下太微授符列宿次輔共三光之庭文昌賦政四方宰臣揆六官  
之務眷予近弼時謂真儒履正奉公協濟休明之治贊元經體宜膺  
考慎之求數告朝倫誕揚命渥起復通議大夫尚書左丞神霄宮副



使隴西郡開國公食邑二千八百戶食實封六百戶李邦彥端方而肅又簡重而裕和偉望傑才夙擅縉紳之譽博聞強識兼通典籍之醇登珪化鈞荐更歲律廊廟訐謨之議無有黨偏政機綱目之繁備宣忠恪嘉言底績膏澤在民方國家閒暇之時席祖考隆昌之緒以內治則立經陳紀以外攘則保大定功政事集熙豐之成疆宇復燕雲之舊惟克紹先烈乃臻夷夏之安而聿懷永圖尤切淵衷之念唯志慮叶於克一則功業底於丕平是用延升揆路之崇式貳西臺之要燕邦由哲載圖弼亮之勲立政惟人佇展經綸之蘊陪敷真食超進文階以昭體貌之隆以厚股肱之眷於戲納誨輔德式昭傳說之欽承以道覺民罔俾阿衡之專美務恢遠業以副具瞻可銀青光祿大夫少宰兼中書侍郎神霄宮使加食邑七百戶食實封三百戶

宋制大詔令集卷五十八

宋朝大詔令集卷第五十九

宰相九

進官加恩別使一

范質等進官制

建隆元年二月乙亥

虞舜有納麓之功弗迷風雨夏后享錫圭之瑞乃奠山川然後大洽  
謳謠光符揖讓願惟涼德驟集鴻名既用心以存公思與物而更始  
式宣景化屬在家司乃眷弼臣宜時異數推忠協謀佐理功臣開府  
儀同三司守司徒兼門下侍郎同中書門下平章事昭文館大學士  
參知樞密院事上柱國蕭國公食邑二千戶食實封四百戶范質鎮  
時雅量緯俗宏材明去就於幾先識變通之可久巖廊益峻衡石無  
欺千載于茲萬邦咸乂推忠協謀佐理功臣光祿大夫尚書右僕射  
兼門下侍郎同中書門下平章事監修國史參知樞密院事上柱國太

原郡開國公食邑一千五百戶食實封二百戶王溥策名藩府佐命  
前朝冠顏子之四科陳咎陶之九德秉彝不忝惠迪有光寅亮之功  
播紳允囑推忠協謀佐理功臣樞密使光祿大夫行中書侍郎兼刑  
部尚書同中書門下平章事集賢殿大學士上柱國鉅鹿郡開國公  
食邑二千戶食實封四百戶魏仁浦謙和有立慎重自持周旋三事  
之司練達萬機之務言無洩露望洽彌綸康濟之才邦家所注咨爾  
三台弼予一人而皆稽元象以酌羣情率具察而遵外禋是用進為  
常伯命作司空叙百揆以奮庸張四維而是賴於戲託王公之上既  
開國以承家倚輔相之臣斯代天而治物各踐厥位時惟欽哉質可  
依前守司徒兼侍中溥可守司空兼門下侍郎同中書門下平章事  
仁溥可尚書右僕射兼中書侍郎同中書門下平章事餘如故

趙普加恩制

淳化元年七月

門下咨詢舊德尊重大臣實有國之徽章乃為君之鉅美朕之元老  
何讓古賢適當車慶之辰首舉時庸之命揚于著位斯叶至公具官  
趙普道比華變才兼伊呂創業躬詣於先帝守文佐佑於冲人進則  
盡忠而言退則歸美於上三登黃閣人推樊理之功連擁碧幢吏服  
廉平之政書諸國史格被上元雖蕭曹稱漢室之賢房杜濟唐宗之  
美校其勲德未接聲容間以偶失宣調逆嬰微疾雖居假告常渴儀  
刑深持知止之心疊上陳情之表言皆切直意足嘉稱然而上台之  
位難虛求舊之思益切方伸毗倚不允敷揚因獻歲之發春屬改元  
而建號榮加奉邑蕙益真封於戲書契以還君臣之際上以用賢為  
急故親而信之以保其終下以徇節為誠故愛而戴之同底於道况  
我興隆之運式繁鎮靜之才更竭謀猷毋煩訓誡可

呂端轉官制

至道二年正月庚辰南郊畢

讓德于天津舉吉蠲之典注意於相宜推蕃庶之恩銀青光祿大夫  
行尚書戶部侍郎同中書門下平章事上柱國東平郡開國侯呂端  
嶽清粹靈陽秋正氣自參大政式副具瞻接物之誠茂聞於澄撓致  
君之節曷有於磷淄朕倚之為股肱人望之為霖雨頃以郊祀上帝  
祈福天宗琮筭具陳梯航畢至汝左右薄質蚩宣大猷威儀三千率  
周禮而無爽玉帛萬國奉禹會而益恭文物聲明震疊華裔將順其  
美時乃之功是宜踐黃閣之崇正夏卿之任併增階秩式是寵光勉  
登嘉謨永輔台德可門下侍郎兼兵部尚書依前同平章事餘如故

李沆遷官制

咸平四年三月庚寅

東臺貳職實亮樞機累朝近司多所兼領祿若異憲加于輔臣褒德  
獎賢於是乎在光祿大夫行中書侍郎同中書門下平章事監修國  
史上柱國隴西郡開國公李沆純厚方直堅明粹和事朕東朝有翼

成之範秉鈞黃閣仗棟榦之隆三階以和百揆攸叙宜登異數茲懋  
顯庸可門下侍郎加食邑

向敏中景靈宮使制大中祥符七年八月甲寅

尊祖事天所以整寅恭之志尚賢崇德所以申優異之恩眷予蓋臣  
宜有嘉命特進行中書侍郎兼刑部尚書同中書門下平章事集賢  
殿大學士上柱國河內郡開國公向敏中亮節致君懿文經國蔚為  
時棟克煥王猷朕仰接真儀側聆諄誨開陳長發之緒誨諭無疆之  
期式建琳宮永膺靈祐茲重職允屬台臣勉竭純誠以稱隆渥可  
特授景靈宮使加食邑一千戶食實封四百戶

王旦進官制大中祥符九年二月戊子史成

股肱之任與元首而同體公衮之崇列三階而敷化經邦論道非賢  
罔居時其嘉庸登是徽數開府儀同三司守司空兼門下侍郎同中

書門下平章事充玉清昭應宮使昭文館大學士監修國史上柱國  
太原郡開國公王旦簡溫方厚惠直篤誠懿大德以含章矢嘉謀而  
迪哲材應注意業振代工叔教為心實勵愈恭之志曹參奉法載彰  
畫一之謠允矣元臣時之厚棟朕以祖宗盛烈思播策書乃擇名儒  
共加刊紀統領之任良直伏歸而能炳煥舊章沉研祕思言罔私於  
懲勸事必鑒於婉微遠此成篇永彰詒法咨爾典令昭報茂功進秩  
槐庭增榮鼎席衍食之邑寵名並臻彌宣懿猷祇服厥命可守司徒  
依前兼門下侍郎同中書門下平章事加食邑一千戶食實封四百  
戶餘如故

向敏中進官制

大中祥符九年五月庚申不拜

璿宮降鑒颺馭格思擇勝地於神京仰營邃館驗靈蹤於祕載謀其  
真居嘉輪奐之維新介福禧而尤盛眷言總領允屬輔臣爰因考室

之初特峻時庸之命開府儀同三司行中書侍郎兼刑部尚書同中書門下平章事充景靈宮使集賢殿大學士上柱國河內郡開國公向敏中純和毓德端厚存誠清識邁倫懿文繼國參萬樞之密勿克慎幾微佑百度之財成務遵禮要頃肇基於宏構思肅奉於時儀爰正使名庶揚厥職逮鳩工之告備故底績之有聞褒勅是宜徽章斯在夏官之秩名數甚優俾膺進律之榮益重禮神之寄可依可行中書侍郎兼兵部尚書同中書門下平章事餘如故

王旦拜太尉兼侍中制

天禧元年五月戊申不拜

朕倚毗舊德眷獎大臣期勞逸之適中必優崇而異等開府儀同三司守太保兼門下侍郎同中書門下平章事充玉清昭應宮使昭文館大學士監修國史上柱國太原郡開國公王旦履道坦夷秉心純懿雅量均於澄撓厚德本於直方陟於近司寔贊元化代天工而總



衆職宰邦政而熙大猷契假載之休期期封崇之盛典懿文經國碩  
望鎮時寒煥屢遷聲猷益茂而累陳章奏懇避鈞衡言念報功所宜  
加禮超進上公之重兼升左相之榮俾遂順神簡其入謁庶雍容而  
坐論得親近於老成漢氏之尊孔光唐室之褒杜佑惟吾哲艾宜厚  
恩勤欽奉寵章彌綏福履可太保兼侍中許五日一赴起居日入中  
書或遇軍國重事不限時日並令入預參決餘如故

王旦加恩每三五日一起居入中書制

天禧元年  
五月庚申

優賢加獎從欲推仁匪惟符中外之情抑亦篤君臣之分太保兼門  
下侍郎平章事王旦執心冲粹蹈德清方辭體要而邁倫學鈞深而  
足用自升丹地遂貫鼎司負欽嚴鎮定之姿著寅亮弼諧之績彌綸  
庶政克致於太和和賢相鴻儀誕昭於懿鑠一昨繼陳封奏縷述哀羸  
預罷機衡退就班列尋增隆於異數復懇拜於嚴章雖申教諭之懷

莫回堅確之志朕亦念其多疾察彼由衷勉徇所陳用寢前命止益  
爰田之賦仍增真食之封務使養順簡其朝謁佇臻勿藥之喜洽聞  
論道之言光輔丕圖永綏多福可依前太保兼門下侍郎平章事加  
食邑一千戶食實封六百戶每三五日一起居三日一入中書或遇  
稍安勿拘此制若有軍國重事不限時日入預參決

宋朝大詔令集卷第五十九